

معلومة سريعة

مرد أوشية السلام ... صفات الكنيسة

صلوا من اجل سلام الواحدة الوحيدة المقدسة الجامعة الرسولية كنيسة الله الارثوذكسية
لو ركزنا هنلاقي المرد ده بيوصف أهم 7 صفات في كنيسة العهد الجديد ... تعالوا نشوف

ده مرد الشماس في أوشية السلام ردّاً على قول الكاهن: أذكر يا رب سلام كنيستك الواحدة، الوحيدة
المقدسة، الجامعة الرسولية



☰ مرد أوشية السلام ... صفات الكنيسة



الكنيسة هي جسد السيد المسيح ... جسد واحد فيه روح واحد ... ماينفعلش يتقسم
آه فيه أعضاء كثير لكن في الآخر جسد واحد

🚩 2 - الوحيدة

فيها صفات مش موجودة في أي حاجة تانية ... بتنفرد بيها و تميزها ... أهم الصفات دي:

1. مسكن الله مع الناس ... ربنا بيتحد معنا في الكنيسة من خلال **الافخارستيا**
2. التقاء السماء بالأرض ... بنصلي و حوالينا أيقونات ملايكة و شهدا و قديسين ... و في القداس بنسبح معاهم و نذكرهم في المجمع

🚩 3 - المقدسة

الكنيسة اتقدست و اتدشنت بالميرون ... فبقت قدس لربنا (يعني خاصة به)
و عشان كده الافخارستيا جوة الكنيسة

🚩 4 - الجامعة

1. كل المؤمنين بدون تمييز ... الكنيسة الصح مفيهاش أي تمييز بين الناس على المستوى المادي أو الاجتماعي أو ... كل المؤمنين ولاد ربنا جايين يصلوا
2. تجمع مستويات روحية مختلفة على طريق التوبة و الجهاد الروحي

🚩 5 - الرسولية

كنيستنا مبنية على أساس الرسل و الأنبياء و ربنا يسوع حجر الزاوية ... قائمة على الامتداد و التسليم (من الرسل للبطاركة، كل جيل يسلم جيل الإيمان زي ما استلمه)

🚩 6 - كنيسة الله

بتاعة ربنا، ملك لربنا ... مش لأي حد

🚩 7 - الأرثوذكسية

يعني مستقيمة التمجيد و الإيمان ... مهمتها الحفاظ على الإيمان الصحيح و تسليمه من جيل لجيل



المراجع

المصدر : كتاب كنيستي الأرثوذكسية ما أجملك